

NË EMËR TË POPULLIT

GJYKATA THEMELORE NË GJAKOVË-Departamenti i Përgjithshëm, Gjyqtarja **Ilirjana Hoti**, me sekretaren juridike Flutur Nagavci, në çështjen penale kundër të akuzuarit H. M. nga fsh. J. ,K-Gjakovë, për shkak të veprës penale lëndim i lehte trupor nga neni 188/1 të KPRK-së, sipas Aktakuzës të Prokurorisë Themelore -DP në Gjakovë, PP.nr.468/15 të datës 16.03.2017, në shqyrtimin fillestar, të mbajtur më datë **14.08.2017**, në prani të Prokurorit të shtetit Bajram Kryeziu dhe të akuzuarit H. M., te njëjtën ditë mori dhe publikisht shpalli këtë:

A K T G J Y K I M

I akuzuari **H. M.**, i biri K. dhe i M. e gjinisë P., data e lindjes..., Gjakovë, me banim ne fsh. J. K. Gjakovë, ka te kryer shkollën fillore, i pa punë, i gjendjes se dobët ekonomike, shqiptar ,shtetas i R. Kosovës, i pa martuar,

Ë s h t ë f a j t o r :

Sepse:

-Me dt. 10.04.2015, rreth orës 14.30 min., në Gjakovë, në rrugën ..., afër urës se “T.” gjersa i akuzuari te dëmtuarin e vëren duke ecur ne këmbë, ndal automjetin e me te shpejt del nga automjeti dhe e sulmon fizikisht duke e goditur disa here me grushte ne fytyre dhe kokë, ku nga goditjet te dëmtuarit N. (E.) C. nga Gjakova rruga .., i shkakton lëndime te lehta trupore te përshkruara ne ekspertizën mjeko – ligjore te Dr. M. G., te dt. 04.06.2015.

-me çka ka kryer vepër penale lëndim i lehte trupor nga neni 188/1 te KPRK-së

Andaj gjykata në bazë te nenit 4,41,43,49,50,51,73 të KPRK-ës, dhe nenit 188/1 te KPRK-ës dhe nenit 365 te KPPK-së, te akuzuarit i shqipton:

DENIM ME KUSHT

Dënim me burgim me kohëzgjatje prej 3(tre) muajve ,i cili dënim nuk do te ekzekutohet nëse i akuzuari brenda kohës se verifikimit ne afatin prej 1(një) viti, nuk kryen ndonjë vepër tjetër penale.

I dëmtuar N. C., për realizimin e kërkesës pasurore juridike udhëzohen ne kontest civil.

I akuzuari obligohet që në emër të shpenzimeve procedurale te paguaj shumen prej **20,00 €**, në emër të ekspertizës mjeko-ligjore si dhe ne emër te paushallit gjyqësor të paguaj shumën prej **20 ,00 €**, në afat prej **15 ditëve**, pasi që Aktgjykimi të merr formë të prerë ,nën kërcënim të përmbarrimit me dhunë.

A r s y e t i m

Prokuroria Themelore në Gjakovë, me aktakuzën PP.nr.468/15 te dt. 16.03.2017, e ka akuzuar të akuzuarin H. M. nga fsh. J. K. Gjakovë, për shkak se ka kryer veprën penale lëndim i lehtë trupor nga neni 188/1 të KPRK-së.

Prokurori shtetit Bajram Kryeziu, ne shqyrtimin fillestar me dt. 14.08.2017 lexojë aktakuzën PP.nr. 468/15 dhe deklaroi se mbetet ne tërësi pranë aktakuzës. Duke u deklaruar lidhur me pranimin e fajësisë nga ana e të akuzuarit, prokurori i shtetit ka deklaruar se nuk e kundërshton pranimin e fajësisë pasi që i njëjti është i vetëdijshëm për pasojat dhe favoret e pranimin të fajësisë dhe se aktakuza ka mbështetje ligjore dhe prova të mjaftueshme.

I akuzuari H. M., gjatë shqyrtimit fillestar ka deklaruar se e pranon fajësinë në tërësi sipas aktakuzës me te cilën pandehet duke i ditur edhe me pare pasojat e pranimin te fajësisë dhe atë ne mënyrë vullnetare dhe pa presion dhe shtojë se jam penduar për veprën e kryer në afekt, kërkojë falje nga i dëmtuari për lëndimin e shkakuar, premtojë se një veprim i tillë nuk do te përsëritet dhe do te jem me i kujdesshëm, andaj i propozojë gjykatës qe te merr parasysh rrethanat lehtësuese si pranimi i fajësisë ne çdo fazë te procedurës , gjendjen e varfër ekonomike si dhe faktin se është hera e pare qe kam ra ndesh me ligjin te me shqiptojë një dënim me te butë.

Ne shqyrtimin fillestar gjykata ka vërtetuar këtë gjendje faktike :

Ne tërësi u vërtetua se i akuzuari H. M., -me dt. 10.04.2015, rreth orës 14.30 min., në Gjakovë, në rrugën “K.B. “,afër urës se “T.” gjersa i akuzuari te dëmtuarin e vëren duke ecur ne këmbë, ndal automjetin e me te shpejt del nga automjeti dhe e sulmon fizikisht duke e goditur disa here me grushte ne fytyre dhe kokë, ku nga goditjet te dëmtuarit N.(E.) C. nga Gjakova, rruga “D. L.”, i shkakton lëndime te lehta trupore te përshkruara ne ekspertizën mjeko –ligjore te Dr. M. G., te dt. 04.06.2015.

Gjykata gjendjen e këtillë faktike e ka vërtetuar nga vet pranimi i fajësisë nga i akuzuari i cili ne shqyrtimin fillestar vullnetarisht ka pranuar fajësinë, për shkak te se cilës gjykata nuk ka administruar provat, gjykata ka ardhur ne përfundim se pranimi i fajësisë nga i akuzuari është bere ne pajtim me nenin 248 te KPPK-ës. Gjate pranimin te fajësisë gjyqtari i vetëm gjykues konstatojë se i akuzuari ka kuptuar natyrën dhe pasojat e pranimin te fajësisë, pranimi është bere vullnetarisht nga i akuzuari, pranimi i fajësisë mbështetet ne faktet dhe provat qe i përmban aktakuza ,ne materialet e prezantuar nga prokurori i shtetit dhe çdo provë tjetër dhe se aktakuza nuk përmban asnjë shkelje te qarte ligjore ose gabime faktike .

Gjykata nga te cekurat me lartë ka ardhur ne përfundim se ne veprimet e te akuzuarit formohen te gjitha elementet e veprës penale te përshkruara si ne dispozitiv te këtij aktgjykimi dhe për këtë ka vendosur qe te akuzuarin ta shpalle fajtor dhe ta gjykojë ne bazë te ligjit ,me pare duke vërtetuar përgjegjësisë penale juridike te tij.

Me rastin e marrjes së vendimit mbi dënimin ndaj te akuzuarit ,gjykata ka pasur parasysh të gjitha rrethanat nga neni 73 të KPK-së ,të cilat ndikojnë në zbutjen apo ashpërsimin e dënimit .Rrethana rënduese nuk gjeti ndërsa si rrethana lehtësuese gjykata ka marrë parasysh pranimin e vullnetshëm të fajësisë nga i akuzuari, sjelljen korrekte në gjykim, pendimin e tij të shprehur në gjykate, premtimin e tij se në të ardhmen nuk do të kryej vepra penale, kërkim falja nga e dëmtuara për lëndimin e shkakuar , gjendja e varfër ekonomike si dhe faktin se i njëjti me pare nuk ka qene i dënuar nga ana e gjykatës .

Gjykata është e bindur se dënimi i shqiptuar ndaj të akuzuarit është në harmoni me shkallën e përgjegjësisë penale të akuzuarit ,peshën e veprës penale ,kështu që me dënimin me burgim ne kohëzgjatje 3(tre) muajve, i cili dënim nuk do te ekzekutohet me kusht që i akuzuari brenda kohës se verifikimit në afatin prej 1(një) viti të mos kryejnë vepër tjetër penale ,do të arrihet qëllimi i dënimit i paraparë nga neni 41 te KPK-së., me bindje se edhe me këtë dënim do të arrihet qëllimi dhe efekti i

dënimit i paraparë nga neni 41 të KPRK-së dhe ky dënim i tillë i shqiptuar është në proporcion me veprën penale të kryer dhe me rrethanat personale të cilat i posedon i akuzuari.

Vendimi për udhëzimin e palëve të dëmtuara në kontest civil për realizimin e kërkesës pasurore juridike u mur konform neni 463 të KPPK-së.

Vendimi mbi shpenzimet e procedurës penale dhe paushalli gjyqësor bazohet në dispozitat e neni 450 par.1 dhe 2 nën paragrafi 2.6 të KPPK-së.

Nga sa u tha më lartë u vendos si në dispozitiv të këtij Aktgjykimi .

**GJYKATA THEMELORE NË GJAKOVË,
P. nr. 205/17 më datë 14.08.2017.**

**Sekretarja juridike,
Flutur Nagavci**

**Gj y q t a r j a,
Ilirjana Hoti**

KËSHILLA JURIDIKE: Kundër këtij Aktgjykimi mund të paraqitet ankesë, në afatin prej **15 ditësh** ,nga dita e marrjes së tij në dorëzim ,Gjykatës së Apelit në Prishtinë. Ankesa në kopje të mjaftueshme i dorëzohet kësaj Gjykate.